



Broj: 09/2-2-16-8-26912-6/19  
Sarajevo, 10.10.2019.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: JN1-16-8-26912/19 od 10.10.2019. godine, u postupku javne nabavke izbora najpovoljnijeg ponuđača za nabavku naftnih derivata i maziva za potrebe MVP BiH,  
**d o n o s i m:**

## **O D L U K U**

### **o izboru najpovoljnijeg ponuđača**

Ponuđač "HIFA" d.o.o. Tešanj sa ponudom broj: P 2363/2019 od 30.09.2019. godine, proglašava se najpovoljnijim, te se imenovanom ponuđaču dodjeljuje Okvirni sporazum o isporuci naftnih derivata i maziva za potrebe Ministarstva vanjskih poslova BiH.

Ova Odluka objavit će se na web-stranici [www.mvp.gov.ba](http://www.mvp.gov.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

## **O b r a z l o ž e n j e**

Postupak javne nabavke pokrenut je Odlukom o pokretanju postupka broj: 09/2-2-int-1630-1/19 od 21.08.2019. godine, u kojoj je predviđeno da je procijenjena vrijednost javne nabavke za period od 24 mjeseca ukupno bez PDV-a 136.752,00 KM, kao i da se namjerava dodatno provoditi E-aukcija.

Obavještenje o nabavci br: 253-1-1-15-3-13/19, objavljeno je na Portalu javnih nabavki dana 13.09.2019. godine, a sažetak obavještenja o nabavci objavljen je u Službenom glasniku BiH br: 63 od 20.09.2019. godine, na osnovu kojeg je proveden otvoreni postupak nabavke roba za potrebe Ministarstva vanjskih poslova BiH.

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponude ponuđača:

1. „HIFA“ d.o.o. Tešanj;
2. „HIFA PETROL“ d.o.o. Sarajevo;
3. „ENERGOPETROL“ d.d. Sarajevo

zaključno sa rednim brojem 3 (tri),

ispunjavaju formalno-pravne, ekonomske i tehničke zahtjeve Ministarstva vanjskih poslova BiH, te da su prihvatljive i mogu biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Takoder, analizom validnosti dokumentacije pristigle ponude, Komisija je utvrdila da ponuda ponuđača:

„PETROL BH OIL Company“ d.o.o. Sarajevo

**ne ispunjava formalno pravne i tehničke zahtjeve navedene u tenderskoj dokumentaciji Ministarstva vanjskih poslova BiH, te nije prihvatljiva i ne može biti predmet vrednovanja iz sljedećeg razloga:**

Tačkom 3.3. tenderske dokumentacije definisano je da je ponuđač dužan dostaviti „*aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnost koja je predmet ove nabavke. Dokaz se dostavlja kao ovjerena kopija originala, s tim da datum izdavanja originala ne može biti stariji od 3 (tri) mjeseca računajući od dana dostavljanja ponude (pod datumom dostavljanja ponude smatra se datum, koji je ugovorni organ odredio u TD kao rok za dostavljanje ponuda).*

Pregledom dostavljene ponude ponuđača „PETROL BH OIL Company“ d.o.o. Sarajevo, Komisija je utvrdila da ponuđač nije dostavio aktuelni izvod iz sudskog registra kako je predviđeno tačkom 3.3. tenderske dokumentacije, odnosno dostavio je ovjerenu kopiju izvoda iz sudskog registra, s tim da je datum izdavanja originala stariji od 3 (tri) mjeseca, računajući od dana dostavljanja ponude.

Komisija za javne nabavke MVP BiH je aktom broj JN1-16-8-26912/19 od 03.10.2019. godine dostavila Sektoru za opšte poslove – Odsjeku za opšte poslove arhiv i dokumentaciju pregled / informaciju pristiglih ponuda radi pokretanja postupka E-aukcije što je nadležni odsjek učinio i zakazao E-aukciju prema tri kvalifikovana ponuđača u skladu sa pozitivnim propisima koji reguliraju ovaj način odabira najpovoljnijeg ponuđača.

Nakon E-aukcije, broj postupka: 253-1-1-15/19, koja je obavljena 08.10.2019. godine i trajala je u periodu od 13:30-14:16 sati, Komisiji za javne nabavke je isti dan dostavljen Izvještaj o toku i završetku E-aukcije od strane Agencije za javne nabavke, u kojem je istaknuta konačna rang lista ponuđača koji su učestvovali u istoj

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, Komisija je pristupila vrednovanju prihvatljivih ponuda, te shodno utvrđenom kriteriju "*najniža cijena tehnički zadovoljavajuće ponude*", a nakon provedene procedure E-aukcije konstatuje tabelarni pregled-rang listu prihvatljivih ponuda ponuđača:

RED. BR.	PONUĐAČ	CIJENA BEZ PDV-a
1	HIFA d.o.o. Tešanj	103.644,00 KM
2	HIFA PETROL d.o.o. Sarajevo	103.757,38 KM
3	ENERGOPETROL d.d. Sarajevo	108.826,00 KM

shodno kojoj je prvoplasirana i najpovoljnija ponuda ponuđača: "HIFA" d.o.o. Tešanj, sa cijenom od 103,644,00 KM bez PDV-a, te da ista u ekonomskom i tehničkom smislu u potpunosti zadovoljava zahtjeve ugovornog organa. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

**DOSTAVITI:**

1. Svim učesnicima u postupku javne nabavke;
2. Evidenciji a/a.

